



# Plata dla Ploania Antermëia Sant'Antone Abat

UNITÉ PASTORALA



Ploian: siur Paul Campej  
E-mail: [campei.paul@rolmail.net](mailto:campei.paul@rolmail.net)

Calonia: 0474/520012  
Siur Paul: 380 7345533

**VAL BADIA**  
[www.unitepastorala.org](http://www.unitepastorala.org)

Ann B

04.02.2018 - 11.02.2018 - 5. domënia ia por l'ann

n. 10

## Incunté le Signur por varí y se salvé

📖 Iob 7, 1–4.6–7 | 1 Cor 9, 16–19,22–23 | Mc 1, 29–39

### Dal Vangele do San Merch:

Te chël tëm̃p <sup>29</sup>é Gejù jü deboriada cun Iaco y Jan tla cíasa de Scimun y d'Andrè. <sup>30</sup>La jocera de Scimun ê cun borjù te let. Ai ti â cuntè de d'ëra a Gejù, <sup>31</sup>y al é jü da d'ëra, l'à tuta por la man y l'à daidada sö. Dailò ti él jü demez le borjù, y ara i à sorvì. <sup>32</sup>Da sëra, do che sorèdl ê florì, àn condüt düc i amarà y i indemonià da Gejù. <sup>33</sup>Döta la cité s'â abiné adöm dan porta de cíasa <sup>34</sup>y al nen varí tröc che â de vigni sort de maraties y al parâ fora tröc demonns. Y al ti proibî ai demonns de baié; ciodì ch'ai savô chë che ël ê. <sup>35</sup>Da doman, cíamò à scür, él lovè y é jü te n post sorënt a perié. <sup>36</sup>Scimun y chi che l'â acompagné ti é debota jüs do, <sup>37</sup>y canch'ai l'â ciafè, ti ài dit: Düc te chir! <sup>38</sup>Al ti à respognü: I jun altró ti paîsc daimprò a pordiché inçe dailò; ciodiche por chësc sunsi pö gnü. <sup>39</sup>Al rodâ por döta la Galilea, pordicâ tles sinaghes y parâ fora i demonns.



## Atlamaziun

DLA DOMËNIA

*Crist à tut sön el nostes  
soferenzes, nostes maraties àl  
soporté. Alleluia.*

📖 Letöres dla 6. domënia ia por l'ann:

Lev 13, 1–2.45–46 | 1 Cor 10, 31 – 11, 1 | Mc 1, 40–45

**Edema liturgica dai 04.02. ai 11.02.2018**

2018	Ora	Mëssa
<p><b>5<sup>a</sup> DOMENIA 04.02</b>  <i>Dé dla vita</i>  <i>oferta por la dlijia</i></p>	<p><b>9.30</b>  <b>10.00</b></p>	<p><i>Corona</i>  <b>Gran Mëssa por la comunité</b>                      families de Frapes                      aniversar + Milia Devall    <i>benedisciun de s. Blaje</i></p>
<p><b>LÖNESC 05.02</b>  <i>ss. Ingenuin y Albuin</i>  <i>veschi de Jeo</i></p>	<p><b>7.25</b></p>	<p>s. Mëssa                      + Vijo Rubatscher</p> 
<p><b>MERTESC 06.02</b></p>		
<p><b>MERCUI 07.02</b></p>	<p><b>7.25</b></p>	<p>s. Mëssa di scolari                      + Vittoria Turnaretscher</p>
<p><b>JÖBIA 08.02</b></p>	<p><b>15.00</b></p>	<p><i>Ora d'adoraziun</i></p>
<p><b>VENDRES 09.02</b></p>	<p><b>7.25</b></p>	<p>s. Mëssa                      + Bino Turnaretscher</p>
<p><b>SABEDA 10.02</b>  <i>s. Scholastica</i></p>	<p><b>18.00</b></p>	<p>s. Mëssa prefestia                      + Giovanni Clara</p>
<p><b>6<sup>a</sup> DOMENIA 11.02</b>  <i>dé mondial di amarà</i>  <i>oferta por la dlijia</i></p>	<p><b>9.30</b>  <b>10.00</b></p>	<p><i>Corona</i>  <b>Gran Mëssa por la comunité</b>                      aniversar + Iarone Agreiter                      aniversar + Tin Castlunger</p>

## Informaziuns y terminns

L grup di **jogn y l'uniun dl sport d'Antermëia** inviëia pici y gragn a la **festa da carnescè** sön pista en domënia ai 11/02/2018 dales 14.00. Al gnara organisé na gara cun vigni sort de jüc ulache grups da 4 porsones po to pert. Al vëgn ince premié la plü bela mascura. Les prenotaziuns por la gara po gni fates en chël dé dales 13.30 inant.



En jöbia ai 8 forá 2018 dales 15.30 ales 17.30 se incunta indô **le grup de tëmp lëde Atmosfera** por ères y ëi atocá da problems psychics. En chësc iade orun ester creatif y fajun val de cösc vers y se tolun ince le tëmp da s'la cunté n pü' adöm cun Irina Tavella y Barbara Rungger. I se incuntun tla sënta dl Raiun Sozial Val Badia a Picolin. Informaziuns plü monüdes pro Sabine Rainer tel. 0474/524519. Vignun/üna é bëgn gnüs y é dër bel inviá/des.

L'Uniun dl sport diletantistich da San Martin organisëia n **curs de ginastica cun balet pur mitans y mituns dala 3° ala 5° elementara cun** Jana Canins. Le curs mët man en jöbia ai 8 de forá 2018 pur 12 iadi. Le curs vëgn tigní tres de jöbia dales 14.15 ales 15.00 tla palestra da San Martin de Tor. Le cost é de 20,00 € + cherta d'iscriziun ala Uniun dl sport. Infos y prenotaziuns le pröm dé te palestra o pro Maria al 339/6211647.

L' **KVW dla Val Badia** organisëia en iade de **pelegrinaje** de 4 dís **tla Slovenia** (Bled – Lech Bohinj - Santuar de Brezje – Nova Gorica) dai 14 ai 17 de má. Le iade costa 490,00 Euro (+ 78 € por na ciamena a un en let). Prenotaziuns tol sö cina ai 20 de merz Hilda Sottara (tel. 0474/523133 o 3389231013) o Iaco Clement (tel. 0471/839772 o 3396257779). La prenotaziun vel dô le paiamënt dl prisc sön le cunt IT 11 J 08010 58180 000302017300 dla Cassa Raiffeisen. Por avëi plö informaziuns y le program präibel de telefonè a Hilda Sottara o Iaco Clement o le damanè por e-mail a : iaco\_clement@libero.it.

---

### **De dla vita - La buna noela dla vita – ligrëza por le monn!**

*A trëi cosses sunse inviá nos cristians:*

- da dí dilan dla vita
- da desmostré nosta ligrëza por la vita y
- da surantó nosta responsabilité por la vita.

*Cun la testimonianza cristiana por la vita y cun la ligrëza de podëi tó pert ala vita, orunse sté ite por döt ci che promöi y ti dá valur ala vita orüda da Chël Bel Dî.*

*(fora dala lëtra dl Vëscö por le De dla Vita)*






Düc o val da Gejú. Nia da se fá demorvëia. Ai aspeta do miracui. Ai aspeta varijiun, consolaziun y forza. Chi che va aldedaincö cun sü mais a Lourdes, o varí, sigü. Y sce al ne varësc nia, sintl datrai impó varijiun. Deache an spera tan. Deache an arata che Idî o Santa Maria ais la forza da varí. Deache an s'un va indô cun i medemi mais cun chi che an é gnüs, mo an se sint impó atramënter: plü varis. Deache l'anima fej manco mé. Chël che spera sön Idî, po ince sintí canche al é daimpró.

## 7 Fehler Marktplatz in Jerusalem zur Zeit Jesu



(Fußball, Einkaufswagen, Turmuhr, Dinosaurier, Ampel, Mercedes Stern, Bushaltestelle)

<b>Mësses a Rina:</b>	Dom 8.30	Dedol 19.30	Jöb 7.25	Sab 19.00	Dom 8.30
<b>Mësses a San Martin:</b>	Dom 9.30	Dedol 19.30	Jöb 7.30	Sab 18.30	Dom 9.30

	05.02.18 -10.02.18	Denise - Joel
	11.02.2018	Marc - Maria - Devis - Emily
	10.02.2018	Marlene Erlacher
	11.02.2018	Jessica Irsara

**Impressum:**  
**Comunicaziuns:**  
**Download:**

Ploania Antermëia - redaziun Carlo Piazza  
 cina la jöbia sëra a [carlo.piazza@hotmail.com](mailto:carlo.piazza@hotmail.com) | 0474 520044  
[www.unitepastorala.org](http://www.unitepastorala.org) | [www.comun.sanmartindetor.bz.it](http://www.comun.sanmartindetor.bz.it)